

Generalno tajništvo Vijeća ministara Bosne i Hercegovine, Trg Bosne i Hercegovine br. 1, 71000 Sarajevo, kojeg zastupa generalni tajnik Robert Vidović (u daljnjem tekstu: Ugovorni organ), i

King ICT d.o.o., Aleje Bosne Srebrene 34, 71000 Sarajevo, kojeg zastupa Adis Pabrić, director (u daljnjem tekstu: Pružatelj usluga), zaključili su slijedeći:

UGOVOR

o nabavci licenci i održavanje zajedničkih servisa za eUsluge

Član 1.

Ugovorne strane saglasno utvrđuju da je Pružatelj usluga **King ICT d.o.o., Aleje Bosne Srebrene 34, 71000 Sarajevo**, odabran kao najpovoljniji ponuđač za isporuku - **licenci i održavanje zajedničkih servisa za eUsluge**, a na osnovu konkurentskog postupka za dostavu ponuda za nabavku - licenci i održavanje zajedničkih servisa za eUsluge, broj: 06-16-3-2445-2/24 od 04.11.2024. godine.

Član 2.

Ukupna cijena ponude na godišnjem nivou, bez poreza na dodanu vrijednost, iznosi **27.777,00KM** (slovima: dvadesetisedamhiljadasedamstotinasedamdesetisedam i 00/100 KM), a sa uračunatim porezom na dodatnu vrijednost iznosi **32.499,09KM** (slovima: tridesetidvije hiljadečetiristotinedevedesetidevet i 09/100 KM).

Član 3.

Pružatelj usluga se obavezuje da Ugovornom organu isporuči licence i održavanje **zajedničkih servisa za eUsluge**, u skladu sa specifikacijama navedenim u Aneksu 2 tehničke specifikacije.

Član 4.

Pružatelj usluga se obavezuje na nepromjenljivost ponuđenih cijena, osim u slučajevima promjene cijena vezanih za zakonske obaveze, o kojima je dužan odmah, pismeno izvijestiti Ugovorni organ.

Član 5.

Ugovorni organ će platiti fakturu za uredno izvršene usluge, u roku od 15 (petnaest) dana od dana potpisivanja Primopredajnog zaspisnika od strane ovlaštene osobe ugovornog organa koji će sadržavati kvalitativni i kantitativni prijem usluga. Pružatelj usluga će ispostaviti fakturu u KM (konvertibilnim markama).

Član 6.

Pružatelj usluga se obavezuje da Ugovornom organu isporuči licence, najkasnije u roku od 20 dana od dana potpisivanja ovog ugovora. Isporuka će se izvršiti elektronskim putem na email adresu: boris.vaskovic@vm.gov.ba.

Član 7.

Pružatelj usluga se obavezuje da će u toku trajanja ovog ugovora osigurati:

- a) informatičku podršku Generalnom tajništvu Vijeća Ministara BiH, koja bi uključila otklanjanje uočenih problema, optimizaciju i unapređivanje rada sistema, kao i razvoj novih funkcionalnosti sistema i njegovih modula;
- b) fond sati koji mora biti uključen u okviru ponude je ukupno 180 inženjer sati na godišnjem nivou. U fond od 180 inženjer sati uračunat je jedan mjesečni preventivni pregled sistema u trajanju od 2 inženjer sata sa konsultacijama i savjetima. Nakon potrošenih 180 inženjer sati, svi eventualni naredni sati bi se tretirali drugim Ugovorima.

Član 8.

Ugovor stupa na snagu od momenta kada ga potpišu obje ugovorne strane i važi godinu dana od dana potpisivanja.

Član 9.

Svi podaci i informacije koji se razmjenjuju između stranaka u vezi s ovim ugovorom smatraju se povjerljivima i ne smiju se otkriti trećim stranama bez pisanog pristanka.

Član 10.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 30 dana.

Član 11.

Ugovorne strane su saglasne da sve eventualne nesuglasice rješavaju sporazumno, a ukoliko to nije moguće nadležan je Sud Bosne i Hercegovine. Za pitanja koja se pojave tokom realizacije a nisu regulirana Ugovorom primjenjuju se odredbe Zakona o obligacionim odnosima.

Član 12.

Ugovorne strane su saglasne da Pružatelj usluga nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koju je angažovala Komisija za nabavku u postupku koji je prethodio ovom ugovoru, najmanje 6 (šest) mjeseci po zaključenju ugovora.

Član 13.

Ovaj ugovor je sačinjen u pet istovjetnih primjeraka, dva za Pružatelj usluga, dva za Ugovornog organa i jedan za Pravobranilaštvo BiH.

Član 14.

Ugovorne stranke su saglasne da su ovaj Ugovor pročitale i razumjele, te ga u znak saglasnosti potpisuju.

PRUŽATELJ USLUGA
KING ICT d.o.o.
Sarajevo

Broj: *202-2211-358/2024*

Sarajevo, 10. 12. 2024. god.

UGOVORNI ORGAN
GENERALNO TAJNIŠTVO
VIJEĆA MINISTARA BIH

Broj: #6-16-3-2445-11/24

Sarajevo, 26.11.2024. god.

